

Akcija SIPA-e i UIOBiH



S jučerašnjeg pretresa firme „Hog Fuu

Uhapšena četiri špeditera zbog carinskih prevara

Jovo Divić, Brane Rodić, Sanel Babić i
Milenko Mandić lišeni slobode

Po naredbama Tužilaštva i Suda BiH, pripadnici Državne agencije za istrage i zaštitu (SIPA), u združenoj akciji s pripadnicima Uprave za indirektno oporezivanje BiH (UIO), pretresli su više objekata na području Banje Luke. Službenici SIPA-e uhapsili su četiri osobe zbog sumnje da su počinile organizirani kriminal, poreznu utaju i carinsku prevaru.

Kako „Avaz“ nezvanično saznaje, pretresene su kompanije „A KE“, „Prirodna odluka“, „Hong Fuu“, „Istočni biser“ i „Cheny“, a uhapšeni su Jovo Divić, Brane Rodić, Sanel Babić i Milenko Mandić. Iz SIPA-e je saopćeno da se akcija provodi zbog sumnje da su navedena kriminalna djela

počinjena prilikom uvoza razne robe kineskog porijekla u BiH.

- Radi se uglavnom o špediterima, uvoznicima i vlasnicima skladišta, koji su osumnjičeni za poreznu i carinsku utaju. Procjenjuje se da je ovim nezakonitim aktivnostima budžet BiH oštećen u višemilionskom iznosu - dodali su iz SIPA-e.

Ratko Kovačević, portparol UIO-a, kazao je da je pretres izvršen na 12 lokacija.

- Sumnja se u falsificiranje dokumentacije koja se prilagala kod uvoza robe porijeklom iz Kine u BiH, a sve radi izbjegavanja plaćanja uvoznih dažbina - kaže Kovačević.

A. Č. Z. - M. D.